

HIERONYMUS.

E T' Σ Ε Β Ι Ο Σ.

EUSEBIUS.

SENNIM VALLIS. Vide infra VALLIS SENNIM.

SENSENNÄ, urbis nomen in tribu Juda, Jos. xv. v. 31.

¹ SEON sive SOEN, in tribu Issachar, hodieque ostenditur villa juxta montem Thabor. Σηών, κλήρε Ἰσάχαρ, καὶ νῦν ἐστὶ παρὰ τὸ ὄρος Θαβὼρ.

SEON, fortis Issachar, estque hodie juxta montem Thabor.

² SEORA, urbs juxta Sodomam, quæ & Segor, & Zoara; de qua supra diximus. ⁷ Σωρὰ, πόλις τῆς περιχώρου Σοδόμων, ἢ καὶ Σεγὰς ὀνομάζεται, καὶ Ζορὰ.

SOORA, civitas regionis finitimæ Sodomis, quæ & Segor appellatur & Zoara.

SEPHAATH. Vide paulo post SEPHET.

³ SEPHAMA, terminus Judæ ad solis ortum. Σεφεμὰ, ὄριον τῆς Ἰδουμαίας πρὸς ἀνατολὰς.

SEPHEMA, terminus Idumææ ad plagam orientalem.

SEPHAMOTH. Vide supra SAPHAMOTH.

SEPHAR, mons in extremâ ad Orientem Indiâ, qui fuit Orientalis terminus habitationis filiorum Jethan, qui totam Indiam profeminarunt & incoluerunt. Gen. x. v. 30. Vide quæ nos ad eum locum.

SEPHARVAIM. Vide supra SAPHARVAIM.

SEPHATA, vallis nomen in tribu Juda, juxta urbem Maresa versus extremos fines tribus Judæ ad Austrum, in quâ Asa rex cum Zarâ rege Æthiopum conflixit, eumque in fugam compulit, 2 Paral. xiv. ubi de Sephata habes v. 10. Vide & supra MARESA.

⁴ SEPHELA, sicut scribit Esaias, pro quo Aquila campestre, Symmachus vallem interpretantur. usque hodie omnis regio juxta Eleutheropolim campestris & plana, quæ vergit ad Aquilonem & Occidentem, Sephala dicitur. Σεφηλὰ, ἐν Ἡσαΐᾳ. Ἀκύλα, πεδινή. Συμμάχος, κοιλάς καὶ εἰς ἐπὶ νῦν Σεφηλὰ καλεῖται. αὕτη ἐστὶ πᾶσα ἡ περὶ τὴν Ἐλευθερόπολιν πεδινή χώρα πρὸς βορρᾶν καὶ δυσμὰς.

SEPHELA, In Isaia: Aquilæ, campestris: Symmacho, vallis. & usque hodie Sephela vocatur. Hæc est omnis illa circum Eleutheropolim regio campestris ad Septentrionem & Occidentem.

SEPHER, montis nomen in deserto, in quo facta est una Israëlitarum mansio Num. xxxiii. v. 23, 24.

⁵ SEPHET, Chananæorum locus. Σεφεθ, τῶν Χαναανίων.

SEPHETH, Chananæorum locus.

⁶ SEPHINA, pro quo Aquila & Symmachus interpretantur Aquilonem. Σεφινὰ, Ἀκύλ. Σύμμ. βορρᾶν.

SEPHINA, Aquila, & Symmachus (interpretantur) Septentrionem.

SEPHORIS, vel SAPHORIS, cujus Scriptura non meminit, sed Hieronymus toto hoc libro de locis Hebr. sæpius; Galilææ civitas teste Josepho Lib. xiv. Ant. Judaic. Cap. 10. & Lib. xvii. Cap. 12. & Lib. iii. Belli Judaic. Cap. 1. quin aliquando sub Herode facta Galilææ caput, ut habet Josephus Lib. xviii. Ant. Judaic. Cap. 3. dicta fuit alio nomine DIOCÆSAREA teste Hieronymo proæmio in Jonam, & hic in voce Arabâ. Hæc à Casaloth seu Ceseleththabor, quæ ad radices montis Thabor erat, distare ponitur octo miliaribus versus Occidentem, supra à Hieronymo in Achaseluth & Achsaph. A monte Thabor decem miliaribus versus Occidentalem plagam distare statuitur infra in THABOR. Brochardus duabus leucis à Canâ Galilææ removet, & totidem à Nazareth.

SEPULCHRA CONCUPISCENTIÆ, Num. xi. v. 34. ubi plerique Israëlitarum ab concupitas carnes in deserto, & ad fastidium usque comestas à Deo cæsi sunt, eodemque in loco sepulti.

SER, urbis nomen in tribu Nephthali, Jos. xix. v. 35.

SESACH, Hierem. xxv. v. 26. & Cap. li. v. 41. pro Babylone ponitur voce immutata per occultas litterarum notas, & modum quemdam Cabalæ, de quo nos egimus in nostris Scripturæ Præloquiis Cap. xxi. Sect. 3. ubi secundum modum Cabalæ secundi generis tradidimus.

SETIM, Vide supra SATTIM.

SETTIM, Vide SATTIM.

N O T A.

- De hac habes Jos. 19. v. 19. quæ & in versione nostrâ Seon appellatur. BONERERIUS.
- Nusquam apud Septuaginta Interpretes nunc Seora pro Segor, sed benè Gen. 13. v. 10. & Hierem. 48. v. 34 lego Ζορὰ Ζογὸρα, quod cum voce Syriacâ Zoara propemodum consentit. IDEM.
- Pro Judæa hic reponere Judææ, sic tamen, ut per Judæam intelligamus hic totam terram Cis-Jordaninam, quomodo aliquando diximus nomen Judææ fumi. Fuit autem locus hic ad minorem Jordanem, inter Jordanis fontes & Semechonitem lacum, ut satis colligitur ex descriptione horum terminorum regionis Cis-Jordaninæ, quæ habetur Num. 34. v. 10, 11. IDEM.
- Hanc vocem sæpè tamquam propriam usurpant Septuaginta Interpretes, ut 2 Paral. 26. v. 10. Hierem. 32. v. ult. & Cap. seq. v. 13. Abdiæ v. 19. pro quo versio nostra semper campestris habet. Sed & nomen Sephela in nostrâ versione semel i Machab. 12. v. 38. tamquam nomen proprium usurpatur, quæ non videtur alia ab eâ, quam hic describit Hieronymus juxta Eleutheropolim. Quam item descriptio-
- nem rursum adfert in commentario in Abdiam ad v. 19. ubi ait Sephelam campestre regionem dici, quæ circa Eleutheropolim est. IDEM.
- In versione nostrâ Sephaath locus hic appellatur, estque vel urbis vel regionis nomen, quam tenebant Chananæi Judic. 1. v. 17. Vide quæ nos ad eum locum, & Num. 1. v. 3. diximus. Est & alia Sephet, cujus fit mentio Tob. 1. v. 1. quæ ibidem non obscure constituitur in tribu Nephthali. IDEM.
- Significat haud dubiè hæc vox appellativè sumpta Aquilonem, sed ubi eam Septuaginta Interpretes ad modum nominis proprii retinuerint, non invenio. IDEM.
- Σωρὰ] Fallitur Bonfrerius; cum ad vocem Segor collocat hanc urbem ad occasum lacus Asphaltitæ, quæ sine dubio fuit ad ortum in Moabitide, ut ostendimus in Disert. de statua Salina. CLERICUS.
- Ἰδουμαίας] Et Hieronymi versio & Scripturæ locus à Bonfrerio laudatus ostendunt legendum hic Ἰδουμαίας. IDEM.